

# 南大見聞

## 致海外僑胞函

海外僑胞先生鑒啓者本校電船於十二月六夜遇劫員生及校友被擄去者多至三十六人平素日夜往來都未嘗有所驚擾此次事變殊非意所及料雖藉軍隊圍捕之力不過五日被擄之人全數安然返校然已累我在校學生之父母友朋與舊時同學及一般摯愛本校之友人就愛不少函電交馳殷勤慰問厚情高誼感激至深用謹將經過情形詳爲敘述刊成「嶺南大學員生被擄紀實」送上一紙請察閱之尙望嘉言錫我俾可免隕越之虞亡羊補牢自當知儆惕之戒也專此奉告並候

大安

南大與華僑

中華民國十三年十二月

嶺南大學監督鍾榮光 高冠天代

## 嶺南大學員生被擄紀實

十二月六號夜九時半。本校電船「南大第二」由省長堤本校碼頭。開行返校。駛至離校不遠。約在鴨墩關附近。有喬裝搭客之匪六人。（兩穿大樓。兩穿長衫。兩穿短衫）拔鎗齊起。指嚇舵工及司機。與在船中之職教員學生等。聲稱絕無他故。各宜安定。不許聲張。並令各人坐下船艙中。向東直駛。至黃埔以下。牛山砲臺附近之白沙地方停船。驅各人經一載柴之船。轉而登岸。時已夜半十二點餘矣。當該夜十點鐘後。本校電船「南大第一」之駕駛人以「南大第二」過時未回。乃駛往省河偵察。